

EMAITZAK AZTERGAI

ANALISIA

■ Pello Urzelai

Beldurra benetakoa zen

Emaitzak patxadaz aztertzeko garaia da. EAJ eta EAK ez dute presarik, lehen-dakariaren aukeraketa bermatuta daukatelako eta, ondorioz, inbestidura saioa iritsi arte presiorik gabe ibil daitezkeelako. EHk denbora hartu behar du, emaitza txarrak direnean askoz zailagoa delako arrazoiak zeintzuk izan diren asmatzea. PPK eta PSE-EEK, agian, lehenbailehen ahaztu nahi izango dituzte emaitzak, baina estrategia berregokitzeko denbora beharko dute.

GARAIPENAREN NEURRIA. EAJ-EA koalizioaren garaipena boto kopuru historiko bati esker izan da. Igandeko zenbaketan ia 600.000 boto bildu zituen, 1998an baino 140.789 boto gehiago (%30,6 gehiago). 1998tik hona irabazitako aldearen zati nagusia EHren galararen bizkar izan dela dirudi lehen azterketen arabera (EHk 81.217 boto galdu ditu), baina abstentziotik ere (146.294 boto gehiago izan dira orain 1998an baino) edo boto zuritik (6.180 boto gutxiago zenbatu dira). Ehunekotan igoerarik handiena Gipuzkoan izan du (38,4). Datu horrek erakusten digu EAJ-EAren igoera ez dela zuzenki proportzionala izan EHren jaitsierarekin, EHk Gipuzkoan izan baitu galerarik txikiena (% 32,8). Baina EH ez ezik alderdi guztiek gor egin dutenez, oso zaila da asmatzea irabazi horien jatorria. Botoetan ez ezik, EAJ-EAren garaipena legebiltzar kopuruan ere izan da. 33 aulki lortuta, PP eta PSOEn arteko batuketa (32) gailendu du, lehendakaria aukeratzeko bidea erabat libre utziz. Emaitza hauen eskutik, EAeko politikagintzaren gidaritza eta abertzaletasunaren baitako nagusigo argia eskuratu du.

BELDURRA ERREALA ZEN. EAJ-EAren emaitza onen arrazoietakoa bat Mayor Oreja Ajuria Enera iristeko beldurrari egotzi zaio. Mayorrek ez du lortu, baina datuek erakusten dute beldur hori erreala zela. Mayorrek Aznarrek 2000an lortutako boto kopurua eskuratu du (323.918, 1998an baino 56.437 boto gehiago eta 2000an baino 683 gehiago). Alderdi espainolistek askoz emaitza hobea lortu dituzte beti Espainiako Kongresurako hauteskundeetan Eusko Legebiltzarrerako baino. Alde hori desagerrarazi egin du PPK oraingoan (hori

2001eko emaitzak 1998 eta 2000koen aldean

	2001	1998		%	botoak	
EAJ-EA	599.746	458.957	↑	30,6	140.789	
PP	323.918	267.484	↑	21,09	56.437	
PSE-EE	250.919	220.052	↑	14,02	30.867	
EH	142.784	224.001	↓	-36,25	-81.217	
EB-IU	78.448	71.064	↑	10,3	7.384	
Aldea 1998-2001						
	2001	2000		%	botoak	
EAJ-EA	599.746	433.974	↑	38,24	165.772	
PP	323.918	323.235	↑	0,21	683	
PSE-EE	250.919	266.583	↓	-5,87	-15.664	
EH	142.784	-	-	-	-	
EB-IU	78.448	62.293	↑	25,93	16.155	
Aldea 2000-2001						

J. APEZTEGIA



MIREN SAEZ

Xabier Arzalluz eta Juan Jose Ibarretxe poz-oz, hauteskunde gauean.

bai, askoz parte-hartze handiagoarekin). Horrez gain, PSE-EEK eutsi dio erronkari, eta 1998an baino 30.867 boto gehiago bildu ditu (%14,02), eta Espainiako Kongresurako hauteskundeetatik gutxi jaitsi da (15.664 boto, %5,8). PP eta PSE-EEKo botoak batuz emaitzarik hoberena lortu dute (589.818 boto), ia 2000ko emaitzak parekatuz (%2,53 bakarrik galdu dute). Helburua Kongresurako lortu zituzten emaitzak errepikatzea jarri zuten eta lortu egin dute. EAJ-EA hainbeste igo ez balitz, emaitza horiekin PPK eta PSE-EEK eskura izango zuketzen gehiengo erlatiboa.

HALA ERE, PORROTA. PPrent apustuak irabazteko bakarrik balio zuen, eta nahiz eta emaitza onak eskuratu helburura (EAJ-EA oposizioa bidaltzea) iritsi ez denez porrota jaso du. Estrategia horren aurpegi eta buruak, Mayor Orejak, porrot bikoitza jaso du, politikoa eta pertsonala. Horrelako aukera bat errepikatzea kostako zaio PPri. PSE-EEren tza ere, apustu berberarekin lotu denez, porrota izan da.

EH-REN HUSTUKETA. EHk 1998an lortu zituen botoen %36,2 galdu ditu. Nola azal daiteke neurri horretako galera? Ziurrenik, faktoreen uztarketa dela medio. Mayorrekiko beldurra eta EAren atentatuek ezker abertzaleko sektore batean sortutako egoneza edo etsipena ataka jakin batean elkartzean, botoa aukeratzearan eragin biderkatzailea izan duela dirudi. Horri erantsi behar zaio EHk izan duen zailtasuna bere mezu nagusia —burujabetzarako eta bakerako aukera bat eskura dagoela— sinesgarri egiteko, hautesleok bake seinalerik ez zuten inondik ikusten (Espainiako Gobernua ere irudikapen horretan zerikusi handia du).

NORABIDEA AUKERATU BEHARRA. Nagusigoa eskuratu duen neurrian EAJ-EAri dagokio orain norabidea aukeratzeara. Aukera zuri edo beltz izango ez bada ere. Litekeena da epe laburrean hitz egitea, baina pauso gutxi ematea, besteak nola mugitzen diren ikusteko. Bitartean, Jaurritza EAJ eta EAren artean bakarrik osatuko lukete, nahiz eta Atutxa eta Anasagasti PSEren hitzartzearen alde agertzen hasi diren.

Hernaniko Udala

IRAGARKIA

Gobernu Batzordeak, 2001eko apirilaren 25ean, "SU-14.5 (Puig-Antziola) area urbanizatzeko proiektuari" hasierako onarpena ematea erabaki zuen.

Ekainaren 30eko 17/94 Legeak, Etxebizitzaren arloko premiazko neurriak eta Hirigintza Plangintzarako zein kudeaketako tresnak izapidetzeko neurriak zehazteari buruzkoak, 7. artikuluan ezarritakoa betez, espedientea jendaurreko ikusgai jartzen da, hamabost eguneko epean Obra eta Hirigintza saileko bulegoetan aztertu nahi duen edonoren eskueran gera dadin eta epe berean bidezko alegazioak egin daitezzen.

Hernani, 2001eko maiatzaren 9a.
ALKATEA.

TOLOSAKO UDALA

- 1.- Helburua.-** Arau Subsidiarioetako EAZ.2 "Ezkerraldea" eremua birgaitzeko gizarte eta hirigintza arloko azterlana eta plan berezia egitea.
- 2.- Lizitazioaren zenbatekoa.-** 2.438.436,-- pezeta.
- 3.- Lanak egiteko epea.-** Dokumentuak aurkezteko epeak, pleguko preskripzio partikularretan.
- 4.- Espedientea ikusteko.-** Udaletxean, Sarrera Erregistroan (Gorosabel, 34-B) Tel: 943-65-04-47.
- 5.- Behin betiko fidantza.-** Aurrekontuaren %4a.
- 6.- Eskaintza egiteko epea eta tokia.-** Tolosako Udaletxeko Sarrera Erregistroan, iragarki hau Gipuzkoako Aldizkari Ofizialean agertu eta hurrengo egunetik kontatuta, hamargarren egun naturaleko 13:00ak baino lehen.

Tolosa, 2001eko maiatzaren 7a.
ALKATEA.

ERGOIENAKO UDALA

Hirigintzako Udal Plana. Aldaketa puntuala Dorraon.

Ergoienako Udalak, joan den otsailaren 16an egindako osoko bilkuran, erabaki zuen hasiera batean onestea hirigintzako udal plana aldaketa puntuala 7 Lurzatia 7 Poligonoko Dorraon Maire Razkin Lizarraga sustatua.

Lurraldearen Antolamenduari eta Hirigintzari buruzko 10/94 Legearen 115.2, eta 127. artikuluetan xedatutakoari jarraikiz, espedientea udal idazkaritzan jarriko da jendaurrean hilabetez, iragarki hau Nafarroako ALDIZKARI OFIZIALEAN argitaratzen denetik hasita.

Ergoiena. Bi milatubateko Apirila hogeitsei.
Alkatea, Olatz Berastegi.